

# DE DONNERBOSS

Von Heinrich Nesbach, Buchholtwelmen



W

enn de Chrismohn öwer de Berge geht,  
Dä Luurjäger achter'n Bohm gern steht.  
Vannowend wor et doch so hell on klor,  
Wij seldom et in'ne Wenter wohr.  
De Hasen hade Schmach, dick log dä Schnee,  
On Honger düt nit vör en betjen weh.  
Welm had dä Püster, noch van vör gestopp,  
Mät Polwer, Hagel on Papier gut vollgepropp.  
Dat Polwer koß öm necks, heij in de Heij öm fohn,  
Soot doch genug dorvan in e e n e Platzpatron.  
Doch had heij nauj, et soll sech bäter lohne,  
Dat Polwer drin gedohn van s e w e n Platzpatrone.  
Dor koß necks läwen bliewen, wat vör sinne Flent,  
Dä Wäg nor sinne Musströnk in dä Gaade fend.  
Kaum, dat heij sinne Platz an de Heck innohm,  
So 'ne Krommen hongreg angehoppelt kohm.  
Heij fohn dat Mus ock op de Stell,  
So 'ne recht'ge Berghas, schwat in't Fell.  
„En Oogenbleck“ — doch Welm — „doj saß et sin,  
Doj moß mej in dä Pott herin!“ — — —  
Boooooommmms!!! — Et dröhnden dör de Nach,  
Äs wenn so'n Böller had gekrach. — — —  
Welm had bloß en Stöck Holt noch in de Hand,  
Wat vör gewöhnlich an't Gewehr „Schaff“ word genannt.  
Van Has — van Loop — van Hahn — van Riem —  
Wor bej den besten Well necks mär te siehn.  
Doch äs dä Polwerdamp sech had vertrocken,  
Dor loogen in dä Schnee dij Brocken. —  
On't Häsken doch, dat ös en growen Krohm,  
On wacker wär den Wäg den Berg in nohm.